



CONVENIO DE COOPERACIÓN ENTRE A DEPUTACIÓN PROVINCIAL DA CORUÑA E O CONCELLO DE ARTEIXO PARA LEVAR A CABO OS PROXECTOS RELATIVOS AO PROXECTO CONSTRUTIVO DA REDE CICLISTA DA ÁREA METROPOLITANA DA CORUÑA NO CONCELLO DE ARTEIXO – FASE 1:

- PROXECTO CONSTRUTIVO DE CARRIL BICI NA ESTRADA DP0514, PK 1+170 A PK 3+730 (Barrañán).
- PROXECTO CONSTRUTIVO DEL CARRIL BICI ENTRE ESTRADA DP-0514 CON CARRIL BICI DO PASEO MARÍTIMO DE VALCOBO (Arteixo).
- VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR

Na Coruña, a 27 de decembro de 2019

REUNIDOS

Dunha parte D. Valentín González Formoso, Presidente da Deputación Provincial da Coruña.

E doutra parte D. Jose Carlos Calvelo Martínez, Alcalde-Presidente do Concello de Arteixo,

Os comparecentes interveñen en uso das facultades que, por razón dos seus cargos lles están atribuídas.

MANIFESTAN

- A Deputación Provincial da Coruña redactou o proxecto construtivo da “Rede Ciclista da Área Metropolitana da Coruña”, o cal recolle as obras necesarias para a conexión dos treitos de carrís de bicicletas existentes na cidade da Coruña cos concellos de Arteixo, Cambre, Culleredo e Oleiros, que constitúen a súa Área Metropolitana.
- As actuacións que se propoñen permiten a conexión de treitos ben diferenciados tanto polo seu tipo de percorrido, como polo ámbito urbano e natural que atravesan, permitindo que os usuarios deste medio de transporte como é a bicicleta, poidan compartir o seu uso lúdico como dun medio de transporte alternativo ao mesmo tempo.
- As políticas de promoción da mobilidade “branda”, de fomento da seguridade vial e da concienciación social teñen contribuído noutros países ao incremento deste modo de transporte que é económico, áxil, saudable e ecolóxico. Porén, calquera intento de potenciar o uso da bicicleta como medio habitual de transporte pasa, necesariamente, pola reordenación urbana e viaria, xunto coa execución dunha infraestrutura continua que permita garantir o uso continuado e alternativo ao transporte por estrada.
- Na Área Metropolitana existen 53 quilómetros de vías para bicicletas e, polo tanto, o que se pretende coas obras que vai recoller o proxecto é comunicar estes e construír outros novos para conseguir uns percorridos que permitan a mobilidade entre os concellos que configuran este entorno.
- O proxecto confirma a viabilidade técnica de crear un itinerario ciclista comarcal que posibilite percorrer o litoral dende as Praias de Barrañán (Arteixo) ata as de Mera (Oleiros), e dende outro ámbito natural como é a Presa de Cecebre preténdese incorporar o carril de bicicleta existente dende ela ata a desembocadura do río Mero na ría do Burgo, onde se fan as obras para conectalo co do paseo do Burgo ata a Ponte da Pasaxe.
- No proxecto recóllense as actuacións necesarias como son a sinalización, o acondicionamento, as novas estruturas de paso e aqueles treitos de nova construción, coa finalidade de acadar o obxectivo de xerar unha rede básica que poida ser ampliada no seu futuro por outras actuacións da mesma natureza. Nesta fase do proxecto lógrase establecer un itinerario para ciclistas de preto de 78 quilómetros.

- Por Acordo Plenario núm.9 do 30 de maio de 2014 aprobouse o proxecto denominado Rede Ciclista Da Área Metropolitana Da Coruña, cun orzamento de 3.625.000,00 €. (IVE incluído) exposto ao público mediante anuncio que se publicou no Boletín Oficial da Provincia da Coruña núm 113 de 16 de xuño de 2014
- O Concello de Arteixo, o 19 de outubro de 2018, solicita á Deputación unha subvención nominativa para cofinanciar a execución das obras correspondentes a separata do proxecto da Rede Ciclista Metropolitana. Concello de Arteixo- Fase 1, por importe de 875.767,78 €, o que representa unha porcentaxe de financiamento do 78,84921 % dun orzamento que ascende a 1.110.686,62 €. Dita solicitude foi aprobada mediante Acordo da Xunta de Goberno Local de 17 de outubro de 2018.
- Na mesma data, o concello de Arteixo presenta unha memoria na que xustifica e detalla a primeira fase de execución da Rede Ciclista desglosandoa en catro proxectos, para a realización das seguintes obras de conexión entre carrís bicis xa existentes e novos trazados:

TRAMO 1: RAÑAL	PROXECTO DE AMPLIACIÓN DO PASEO FLUVIAL DE ARTEIXO DENDE O POLÍGONO DE SABÓN ATA O RAÑAL.	255.814,05 €
TRAMO 2: BARRAÑÁN	PROXECTO CONSTRUCTIVO DO CARRIL BICI NA ESTRADA DP0514, PK 1+170 A PK 3+730 (Barrañán).	448.674,15 €
TRAMO 3: VALCOBO	PROXECTO CONSTRUCTIVO DO CARRIL BICI ENTRE ESTRADA DP-0514 CON CARRIL BICI DO PASEO MARÍTIMO DE VALCOBO (Arteixo).	248.761,86 €
TRAMO 4: PRAIA DE ALBA	VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR.	157.436,56 €

- Respecto ao proxecto de ampliación do paseo fluvial de Arteixo dende o Polígono de Sabón ata o Rañal: Conexión do carril bici existente no polígono e Sabón coa praia de Alba. Sínálase que se trata

"...dunha senda peonil e un carril bici que discorren xuntos durante 783 m pola marxe esquerda do río Bolaños (p.p.k.k. 0+000 a 0+715), para cruzar o río mediante unha pasarela de madeira e circular en paralelo á travesía do Rañal (p.p.k.k. 0+715 a 0+783). A nova senda conectase coa existente xunto ao aparcamento, na marxe oposta da travesía do Rañal, para o que se prevé a construción dun paso de peóns."

Se considerou que a execución da Senda Peonil non é obxecto deste convenio e por tanto non executable dentro de este proxecto, polo que debería presentarse un novo orzamento no que conste exclusivamente as partidas, unidades...correspondentes ao proxecto da Rede Ciclista Metropolitana. Concello de Arteixo- Fase 1

En consecuencia, o concello de Arteixo, o 23 de novembro de 2018, presenta unha nova solicitude cunha nova memoria e orzamento, consistente, na execución de tres tramos en vez de catro, que serán financiados o 100% pola corporación provincial:

TRAMO 1: BARRAÑÁN	PROXECTO CONSTRUCTIVO DE CARRIL BICI NA ESTRADA DP0514, PK 1+170 A PK 3+730 (Barrañán).	448.674,15 €
TRAMO2: VALCOBO	PROXECTO CONSTRUCTIVO DEL CARRIL BICI ENTRE ESTRADA DP-0514 CON CARRIL BICI DOPASEO MARÍTIMO DE VALCOBO (Arteixo).	248.761,86 €
TRAMO 3: PRAIA DE ALBA	VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR	157.436,56 €

7- O orzamento de execución total das obras que recollen os proxectos estímase en OITOCENTOS CINCUENTA E CATRO MIL OITOCENTOS SETENTA E DOUS EUROS CON CINCUENTA E SETE EUROS (854.872,57) I.V.E. incluído.

8 - Que pola Xunta de Goberno Local, en sesión Ordinaria celebrada o 22 de novembro de 2018, acordouse aprobar os proxectos das obras referentes aos tramos:

TRAMO 1: BARRAÑÁN-PROXECTO CONSTRUCTIVO DE CARRIL BICI NA ESTRADA DP-0514, PK 1+170 A PK 3+730 (Barrañán).



TRAMO 2: VALCOBO-PROXECTO CONSTUCTIVO DO CARRIL BICI ENTRE ESTRADA DP-0514 CON CARRIL BICI DO PASEO MARÍTIMO DE VALCOBO (Arteixo).

TRAMO 3: PRAIA DE ALBA-VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR.

O proxecto de ampliación do paseo fluvial de Arteixo desde o polígono de Sabón ata o Rañal, executarase por parte do Concello de Arteixo

Visto o anterior considérase procedente a firma dun convenio de cooperación entre a Deputación Provincial da Coruña e o Concello de Arteixo para a execución das obras do Proxecto da Rede ciclista da Área Metropolitana da Coruña, que afectan a ese municipio.

En consecuencia, considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións entre ambas as dúas administración

Por todo o exposto, a Deputación de A Coruña e o Concello de Arteixo acordan formalizar o presente convenio con suxeción ás seguintes cláusulas.

CLÁUSULAS

PRIMEIRA. OBXECTO.

O obxecto do presente convenio é establecer as bases de colaboración técnica e económica entre a Deputación Provincial de A Coruña e o Concello de Arteixo, CIF P1500500B, que permitan realizar as obras incluídas no proxecto construtivo da rede ciclista da área metropolitana da Coruña:

- BARRAÑÁN-PROXECTO CONSTRUTIVO DE CARRIL BICI NA ESTRADA DP-0514, PK 1+170 A PK 3+730 (Barrañán) (TRAMO 1)
- VALCOBO-PROXECTO CONSTUTIVO DO CARRIL BICI ENTRE ESTRADA DP-0514 CON CARRIL BICI DO PASEO MARÍTIMO DE VALCOBO (Arteixo). (TRAMO 2)
- PRAIA DE ALBA-VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR (TRAMO 3)

Estes documentos conteñen de feito fidedigno as propostas técnicas e orzamentarias establecidas no proxecto "Rede Ciclista da Área Metropolitana da Coruña", aprobado con anterioridade.

O orzamento total da execución das obras estímase en 854.872,57 € I.V.E. incluído, e que corresponden ás actuacións a realizar no concello de Arteixo.

SEGUNDA. ORZAMENTO DE EXECUCIÓN E FINANCIAMENTO DAS OBRAS.

1. O orzamento total de execución de contrata da obra, segundo os proxectos técnicos ós que se fai referencia na cláusula anterior, é o seguinte:

PROXECTO CONSTRUTIVO DE CARRIL BICI NA ESTRADA DP0514, PK 1+170 A PK 3+730 (Barrañán)._ Tramo1

PRESUPUESTO DE EJECUCIÓN MATERIAL	311.600,91
13,00 % Gastos generales	40.508,12
6,00 % Beneficio industrial	18.696,05
PRESUPUESTO BASE DE LICITACIÓN	370.805,08
21% IVA	77.869,07
PRESUPUESTO BASE DE LICITACIÓN MAS IVA	448.674,15 €

PROXECTO CONSTITUTIVO DO CARRIL BICI ENTRE ESTRADA DP-0514 CON CARRIL BICI DO PASEO MARÍTIMO DE VALCOBO _Tramo 2

PRESUPUESTO DE EJECUCIÓN MATERIAL	172.763,28
13,00 % Gastos generales	22.459,23
6,00 % Beneficio industrial	10.365,80
PRESUPUESTO BASE DE LICITACIÓN	205.588,31
21% IVA	43.173,55
PRESUPUESTO BASE DE LICITACIÓN MÁS IVA	248.761,86 €

VIA CICLISTA ENTRE A PRAIA DE ALBA E O CAMIÑO PERIMETRAL DO PORTO EXTERIOR._ Tramo 3

PRESUPUESTO DE EJECUCIÓN MATERIAL	109.338,54
13% de gastos generales	14.214,01
6% de beneficio industrial.....	6.560,31
PRESUPUESTO BASE DE LICITACIÓN	130.112,86
21% IVA	27.323,70
PRESUPUESTO BASE DE LICITACIÓN MÁS IVA	157.436,56 €

2- A Deputación Provincial da Coruña financiará o orzamento das obras, tal e como se define na cláusula anterior cunha **achega máxima de 854.872,57 €** o que representa unha porcentaxe do 100,00%.

3- No caso de que o importe máximo xustificable non alcanzara o importe total previsto na cláusula segunda, a Deputación só aportará o importe que represente o 100,00% da cantidade efectivamente xustificada.

4- A Deputación provincial financiará exclusivamente os gastos derivados do contrato de execución das obras e, polo tanto, non se financiarán os gastos de redacción de proxectos, tributos devengados pola obtención de licencias, honorarios pola dirección das obras, seguridade e saúde, control de calidade, etc. Tampouco se financiará os incrementos de gasto derivados de modificados, reformados ou liquidacións de obra.

5- O importe do financiamento provincial farase efectivo con cargo á aplicación orzamentaria 0410/4541/76201 do orzamento provincial do ano 2019.

6- Dado que a vixencia do convenio esténdese a exercicios futuros, a súa aprobación queda condicionada á existencia de crédito axeitado e suficiente nos exercicios orzamentarios correspondentes e ó cumprimento da Lei de Estabilidade Orzamentaria.

TERCEIRA. DISPOSICIÓN DOS TERREOS NECESARIOS AUTORIZACIÓNS E LICENCIAS PRECEPTIVAS.

1. O concello **non dispón** a data da sinatura do convenio, **dos terreos necesarios**, libres de cargas e gravames e co réxime urbanístico axeitado, para a execución das obras incluídas nos proxectos dos distintos tramos do carril bici, que afectan ó termo municipal, así como á reposición de servizos e servidumes afectados.

2. Así mesmo, **non dispón** de **tódalas licenzas e autorizacións preceptivas**, se ben, realizáronse as xestións pertinentes ante os organismos correspondentes, para a obtención dos permisos, licenzas e autorizacións regulamentarias, correndo a cargo do concello os custos que se xeren.

3. **A entrada en vigor e en consecuencia a eficacia do convenio, queda condicionada á acreditación da disposición dos terreos necesarios** libres de cargas e gravames e co réxime urbanístico axeitado, para a execución das obras incluídas nos proxectos dos distintos tramos do carril bici, así como á disposición de **tódalas licenzas e autorizacións preceptivas**



CUARTA.- CONTRATACIÓN E EXECUCIÓN .

1. Na condición de promotor, corresponderalle á a entidade beneficiaria o outorgamento do contrato de execución das obras descritas nos proxectos ao que fai referencia a cláusula primeira.
2. No procedemento de contratación, a entidade beneficiaria axustará toda a súa actuación ao disposto na lexislación de contratos do sector público, ben mediante o procedemento aberto ou procedemento aberto simplificado.
- 3.- Deberá utilizar os pregos-tipo de contratación da Deputación e non poderá recoller o concepto de "melloras".
- 4.- No caso de que a entidade beneficiaria tramite e aprobe algunha modificación do proxecto inicialmente aprobado, así como do contrato adxudicado, deberá remitir á Deputación, con anterioridade á aprobación do mesmo polo órgano competente, un exemplar do Proxecto modificado, achegando co mesmo os informes emitidos, para a súa supervisión polos Servizos Técnicos Provinciais. Posteriormente, se achegará a certificación do correspondente acordo.

QUINTA.- PUBLICIDADE DO FINANCIAMENTO PROVINCIAL.

1. Durante a execución das obras e ata o seu remate e recepción, a entidade beneficiaria estará obrigada a colocar un cartel que sexa visible alomenos a unha distancia de 25 metros no que, sen prexuízo doutras indicacións, figure o anagrama da Deputación e o importe da actuación.
2. Rematada a obra, deberase colocar unha placa en lugar visible na que se deixe constancia da data de inauguración da obra e do financiamento provincial. O texto estará redactado en galego.

SEXTA. DIRECCIÓN DAS OBRAS. COORDINACIÓN DA SEGURIDADE E SAÚDE.

1. A dirección das obras realizarase por persoal dos servizos técnicos do concello de Arteixo e/ou por medios externos. Así mesmo, actuará como codirector/a persoal técnico designado pola Deputación da Coruña.
2. O concello de Arteixo levará a cabo, mediante medios propios ou servizos externos, a coordinación de seguridade e saúde.

SÉTIMA. XUSTIFICACIÓN NECESARIA PARA RECIBIR A APORTACIÓN PROVINCIAL

Procederase ao **pago da achega provincial** a favor do concello, **correspondente a cada tramo**, unha vez que se achegue ó expediente a documentación que a continuación se relaciona correspondente a cada tramo (só admisible por medios electrónicos a través do aplicativo SUBTEL):

1. Ata o 40 por cento da achega da Deputación ten carácter prepagable, de xeito que se procederá a expedir un primeiro pagamento a prol do concello de Arteixo pola contía resultante de aplicar a dita porcentaxe sobre o importe de adxudicación da obra de cada tramo, unha vez que se achegue ao expediente a seguinte documentación:
 - Certificación do acordo de adxudicación do contrato de obras, na que figuren polo menos os seguintes datos: empresa adxudicataria, importe do contrato e prazo de execución.
 - Copia do contrato de obra .

- Acta de comprobación de replanteo da obra, asinada polo seu director, polo contratista e polo funcionario técnico designado pola Deputación.
- Acreditación do cumprimento das obrigas tributarias e coa Seguridade Social, segundo o disposto na cláusula oitava.
- Acreditación da colocación do cartel informativo ao que se refire a cláusula quinta, mediante remisión de fotografía debidamente dilixenciada pola dirección da obra.

Rematada completamente a obra, procederase ao aboamento do 60 por cento restante, unha vez que se presente ou conste na Deputación provincial a seguinte documentación:

- Certificacións, acta de recepción e fotografía da obra realizada, que debe ser dilixenciada polo técnico-director. Ao acto de Recepción da Obra deberá acudir un técnico designado pola Deputación, quen asinará tamén a correspondente acta.
- Certificación do acordo de aprobación das certificacións de obra e do recoñecemento da obriga, expedida polo órgano competente.
- Acreditación do cumprimento das obrigas tributarias e coa Seguridade Social, segundo o disposto na cláusula oitava.
- Acreditación do cumprimento das obriga de publicidade previstas na cláusula quinta.

2. O aboamento da contía materializarase mediante ingreso na conta da entidade financeira indicada pola entidade beneficiaria na documentación achegada. E se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, a entidade beneficiaria terá dereito ao abono dos xuros de demora, ao tipo de xuro legal, que se perciba, dende a finalización do prazo de catro meses ata o momento no que se faga efectivo o pagamento.

3. Deberá acreditar ter aboado a os terceiros o importe total no prazo máximo dun mes dende a recepción dos fondos. Esta obriga será comprobada pola Deputación, no seu caso, no procedemento de control financeiro que se poida instruír para tal efecto, sen que se teña que presentar documentación adicional ningunha no expediente de xestión e pagamento da subvención.

OITAVA. ACTA DE RECEPCIÓN.

O concello de Arteixo notificaralle á Deputación da Coruña a data de formalización da acta de recepción das obras coa debida antelación para que asista un representante designado pola Deputación da Coruña

NOVENA. CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN

1. O concello deberá estar ao día, con carácter previo á sinatura deste convenio, e logo, con carácter previo ao pago da achega provincial, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.

2. A acreditación do cumprimento de ditas obrigas poderá realizarse mediante declaración responsábel expedida polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.

3. A acreditación do cumprimento das obrigas tributarias coa Deputación Provincial determinarse de oficio por ésta.



DÉCIMA. REINTEGRO, INFRACCIÓNS E SANCIONES.

1. O incumprimento dalgunha das cláusulas previstas no presente convenio de cooperación poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Para os supostos de retraso na realización das obras ou retraso na presentación da xustificación se estará ao disposto na ordenanza provincial de desenvolvemento que resulte aplicable.

3. Se o retraso se produce no pago ao adjudicatario ou terceiros que teñan realizado o obxecto do convenio, se liquidará o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

UNDÉCIMA. VIXENCIA DO CONVENIO, PRÓRROGA OU MODIFICACIÓN

1. O presente convenio de cooperación producirá efectos dende o momento en que o concello acredite a disposición dos terreos e as autorizacións e licenzas preceptivas para a realización das obras e conservará a súa VIXENCIA ata o día 31 de OUTUBRO do 2020. Dado que a existencia deste convenio se estende a exercicios futuros, a súa aprobación queda condicionada á existencia de crédito adecuado e suficiente no exercicio orzamentario correspondente e ao cumprimento dos obxectivos da Lei de Estabilidade Orzamentaria.

2. Para o caso de que a entidade beneficiaria non poida ter rematadas as obras e presentada a xustificación no prazo sinalado na cláusula VII, deberá solicitar antes do 30 de SETEMBRO de 2020, a PRÓRROGA do prazo inicial, achegando coa solicitude un novo programa de traballo asinado pola dirección de obra, co fin de que a Deputación poida acreditar a existencia de crédito adecuado e suficiente para o pago do segundo prazo pola contía do 60 % do importe correctamente xustificado. Acreditada esta circunstancia, a Deputación poderá conceder a prórroga solicitada, que en ningún caso poderá exceder do 31 de outubro do 2021, todo iso, igualmente condicionado á existencia de crédito axeitado e suficiente nos exercicios orzamentarios correspondentes e ao cumprimento dos obxectivos da Lei de estabilidade orzamentaria. A esta data, o convenio quedará definitivamente extinguido, de xeito que a entidade beneficiaria perderá o dereito ao cobro do importe correspondente á contía non xustificada a dita data.

De acordo co establecido na cláusula VII do presente convenio, unha vez finalizado o prazo de vixencia ou no seu caso, o das prórrogas efectivamente solicitadas en prazo, sen que se presentase a xustificación, a unidade xestora requirira a entidade beneficiaria para que presente a documentación no prazo improrrogable de 15 días. De non presentarse no devandito prazo, o convenio quedará definitivamente extinguido, comportará a perda do dereito ao cobramento da subvención e implicará a iniciación do expediente de reintegro, no seu caso, do anticipo percibido máis os correspondentes xuros de mora.

3. Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, o convenio poderá ser obxecto de modificación. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

DUODÉCIMA. NATURZA E XURISDIÇÃO COMPETENTE.

O presente convenio ten natureza administrativa sendo xurisdición contencioso-administrativa a competente para dirimir, na vía xurisdiccional, as cuestións litixiosas que puidesen xurdir da aplicación do presente convenio.

DÉCIMOTERCEIRA.- EFICACIA DO CONVENIO

A eficacia do convenio, queda condicionada á acreditación da disposición dos terreos necesarios **libres de cargas e gravames e co réxime urbanístico axeitado, para a execución das obras incluídas nos proxectos dos distintos tramos do carril bici, así como á disposición de tódalas licenzas e autorizacións preceptivas**

Faise constar que o presente convenio foi aprobado e sesión plenaria de data 20 de decembro do 2019

Así din e asinan, por cuadruplicado exemplar, no lugar e data indicados no encabezamento.

O PRESIDENTE
DA DEPUTACIÓN PROVINCIAL DA CORUÑA,

D. Valentín González Formoso

O ALCALDE-PRESIDENTE DO CONCELLO DE ARTEIXO

D. Jose Carlos Calvelo Martínez

O SECRETARIO XERAL
DA DEPUTACIÓN PROVINCIAL DA CORUÑA

Asdo.D. José Luis Almaraz Supervía